



## Publicaziuns dalla vischnaunca, jamna 03

### Damonda da baghegiar

#### 2020-1001.000

##### Datum dalla publicaziun: 17 da schaner

Il patron: Willi Huonder-Giossi, Via Glaretsch 14, 7186 Segnas

Il representant: Willi Huonder-Giossi, Via Glaretsch 14, 7186 Segnas

Object: Prolungaziun dil tetg vid igl edifeci nr. 1016, niev plaz da seser cuvretg, parcella 3868, Plaun Menisch, 7186 Segnas

##### Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 17 da schaner 2020

*Uffeci da baghegiar Disentis/Mustér*

---

### Lubientschas da baghegiar

L'istanza da baghegiar ha concediu suandontas lubientschas da baghegiar:

#### Nr. 2019-1036.000

André e Priska Salm-Mathys, Trottengasse 10, 5223 Riniken; sanaziun dil tetg, edifeci nr. 356, parcella 1, Via Peisel 8, 7180 Disentis/Mustér

#### Nr. 2019-1047.000

TCS Training & Freizeit AG, c/o Touring Club Suisse, Chemin de Blandonnet 4, 1214 Vernier; midada da construcziun vid il kiosk existent, diversas adattaziuns dil buffet, parcella 2879, Via Fontanivas 9, 7180 Disentis/Mustér.

Disentis/Mustér, ils 17 da schaner 2020

*Uffeci da baghegiar Disentis/Mustér*

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

#### Nr. 2019 – 2094.000

StWE Parz. 650, representada entras Antonino Di Bella, Via Dulezi 11, 7180 Disentis/Mustér: remplazzar la porta garascha entras in esch, parc. 650, Via Dulezi 11, 7180 Disentis/Mustér.

#### Nr. 2020 – 2000.000

Ernst Paul Vogel, Kelmattstrasse 26, 6403 Küsnacht am Rigi, representa entras Soller-Partner Electro SA, Paleu Sura 8, 7013 Domat/Ems: sanaziun dil scaldament - niev sistem solar, parcella 548, Via Caschuarz 1, 7180 Disentis/Mustér

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 17 da schaner 2020

*Uffeci da baghegiar Disentis/Mustér*

---



## Controlla da habitonts

### Mortori

Albert Berther-Durschei, naschius ils 30 da settember 1929, morts ils 8 da schaner 2020

---

## Scola da musica Surselva

La Scola da musica Surselva porscha il suandont cuors:

### Liug: Disentis/Mustér

### Ritmica per affons pigns (annada 2014 e 2015)

Nus cantein e sunein en gruppa

### adina mardis/13.40–14.20

11.2., 18.2., vacanzas da sport, 3.3., 10.3., 17.3., 24.3., 31.3.+7.4.2020

Era novs affons ein cordialmein beinvegni! Bugen spitgein l'annunzia tochen ils 4-2-2020

[www.bzs-surselva.ch](http://www.bzs-surselva.ch)

081 926 25 10 / [admin@bzs-surselva.ch](mailto:admin@bzs-surselva.ch)

*Center da formaziun Surselva CFS*

---

## Cinema Salaplauna

### «Tambour battant» (CH 2019)

**Mittwoch, 22. Januar 2020**, Center sursilvan d'agricultura, Disentis/Mustér. In einem Walliser Dorf sorgen im Frühjahr 1970 Überfremdungsinitiative sowie die anstehende Abstimmung über die Einführung des Frauenstimmrechts für heisse Debatten. Gleichzeitig lassen die Vorbereitungen fürs das nächste Eidgenössische Musikfest die Rivalitäten zwischen zwei alten Jugendfreunden neu aufflammen. Neben allen Turbulenzen um Politik und Musik geht es in dieser köstlichen Komödie natürlich auch um die Liebe. Türöffnung 19.30 Uhr, Filmstart 20 Uhr. Eintritt frei, Kollekte.

---

## Fundaziun AlpEnFoCe (Alpines Energieforschungcenter)

**Naven diils 22 entochen ils 24 da schaner 2020** ha liug la tschunavla ediziun diils discuors davart la perscrutaziun dall'energia a Mustér. Sper ils differents referats scientifics e Think-Tank-Labs cuntegnan ils discuors era in'occurrenza publica cun il tema «Energia e turissem – novas perspectivas». Quella occurrenza cun referats interessants ed ina discussiun da podium ei libra per tuts interessents ed ha liug gieviga, ils 23 a schaner allas 14.00 ella sala Peter Kaiser dalla claustra da Mustér. Dapli infurmaziuns ein d'anflar sut [www.alpenforce.com](http://www.alpenforce.com).

*Fundaziun AlpEnFoCe (Alpines Energieforschungcenter)*

---

## Stiftung AlpEnFoCe (Alpines Energieforschungcenter)

**Vom 22. bis 24. Januar 2020** findet in Disentis die fünfte Ausgabe der Energieforschungsgespräche statt. Neben den verschiedenen wissenschaftlichen Referaten und Think-Tank-Labs enthalten die Gespräche einen öffentlichen Anlass zum Thema «Energie und Tourismus – neue Perspektiven». Dieser Anlass mit interessanten Referaten und einer Podiumsdiskussion ist für alle Interessenten frei zugänglich und findet statt am Donnerstag, 23. Januar 2020, um 14 Uhr im Peter-Kaiser-Saal des Klosters Disentis/Mustér. Mehr Informationen dazu sind unter [www.alpenforce.com](http://www.alpenforce.com) zu finden.

*Stiftung AlpEnFoCe (Alpines Energieforschungcenter)*



---

### Invitaziun Seniors-Ca

**Gievgia, ils 23 da schaner 2020** allas 13.45 ella Puntreis. Magia dalla crappa cun Barla Monego-Venzin. Silsuenter petta e caffè.

*Post d'informaziun Seniors-Ca*

---

### Seniors-Ca e Puntreis

#### Meisa da miezdi organisada da Seniors-Ca e Puntreis

Entschatta: allas 12.15 ella Puntreis. Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di alla Puntreis (tel. 081 929 56 56). La meisa da miezdi ei aviarta per mintgin/a.

*Post d'informaziun Seniors-Ca*

---

### Preavis Lotto

**Sonda, ils 2-5-2020** meina la Secziun da catschadurs Péz Alpetta atras igl usitau lotto ella Sala Fontauna a Mustér. Nus suplichein autras uniuns da risguardar quei datum. Bien engraziament

*la suprastonza*

---

### Uniun samaritana Mustér

#### Radunonza generala

La radunonza generala statutarica ha liug **venderdis, ils 17 da schaner 2020**, allas 19.30 ella «Stiva sogn Placi» a Mustér. Cordialmein envida

*la suprastonza*

---

### Vortrag

#### Grenzen überwinden

800 Kilometer, 16 000 Höhenmeter in zwei Tagen **Freitag, 17. Januar 2020**, 20.30 Uhr. Peter-Kaiser-Saal, Kloster Disentis. Luis Flepp, gebürtiger Disentiser, erzählt über Vorbereitung, Herausforderung, Emotionen usw. vor, während und nach seiner Tour des Grisons im Juli 2019. Eintritt frei.

---

### Uniun da dunnas Mustér

#### Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessen plinavon era far queidas als affons da visitar pli tard la gruppa da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin Vossa viseta.



Proxima sentupada: **gievgia, ils 30 da schaner 2020**

Temps: 15.00–16.30

Liug: Casa da scola Segnas, local Artgin ella 1. alzada

Prender cun: marena e scalfins

Ulteriuras informaziuns e datums anfleis Vus sut [www.uddm.ch](http://www.uddm.ch)

Cordialmein envida

*Uniun da dunnas, ressort affons*

---

### **Uniun da scursalar e spassegiar Mumpé Medel**

**Dumengia, ils 26 da schaner 2020**, ha liug la 16avla cuorsa da scarsola e sliusa da corns a Mumpé Medel. Numeras dat ei naven dallas 9.30. La partenza ei fixada sin las 11.30 a Val Runs e la rangaziun suonda allas 14.30. Ei fagess grond plascher da saver beneventar ina roscha participonts alla cuorsa sco era numerus aspectaturs per retscheiver ils curridders. Gl'entir di haveis Vus la caschun da star da buna cumpignia en noss'ustria cun guder ina specialiad dil gril, ina suppa da giutta ni in bien toc tuorta.

#### **Annunzia:**

Entochen venderdis, ils 24 da schaner 2020, allas 20.00 sut 081 947 40 20 ni [jacintajl@bluewin.ch](mailto:jacintajl@bluewin.ch).

Ulteriuras informaziuns anfleis Vus sut: [www.la-scursalada.jimdo.com](http://www.la-scursalada.jimdo.com) (mied d'informaziun, sche la cuorsa sa insumma vegnir menada atras muort las relaziuns da neiv actualas).

---

### **Uniun da gimnastica da dunnas Mustér (Frauenturnverein Disentis)**

Wir haben wieder ein Line-Dance-Angebot einmal im Monat. Die neuen Daten lauten: **Donnerstag, 13.2./12.3./16.4. und 7.5.2020**, jeweils 19.30 Uhr im Center da sport in Disentis. Wir laden alle Tanzbegeisterten ein, bei uns hereinzuschauen. Kostenpflichtig. (Tel. 079 672 50 46)

*Uniun da gimnastica da dunnas Mustér*

---